



Uniu dals Grischs

Protocol da la radunanza generela dals 18 avrigl 2015

Müstair, Balcun At, a las 10.30

Preschaint(a)s: in tuot 46 personas, da quellas 41 cun dret da vuscher e 1 rapreschantant da las medias.

S-chüsas: la glista da personas singulas e da cumüns vain preletta da la presidenta.

Tractandas:

1. Salüd
 2. Tscherna dals scrutinaduors
 3. Approvaziun dal protocol da la radunanza generela dals 12 avrigl 2014
 4. Rapport presidiel 2014
 5. Rapport dals collavuratuors LR / Chesin Manella / Chalender Ladin
 6. Rendaquint 2014 e rapport da la cumischiun sindicatoria
 7. Program da lavur 2015/2016
 8. Fixer l'indemnisaziun a la susprastanza
 9. Fixer la contribuziun annuela
 10. Preventiv 2016
 11. Tschernas
 12. Varia
-
1. Annalea Stuppan bivgnainta ils numerus preschaints e declera cha la radunanza hegia lö a Müstair causa il di d'omagi a Tista Murk chi ho lö il zievamezdi a Müstair.
 2. Scu scrutinaduors tscherna la radunanza sün proposta da la presidenta a Curdin Linsel e Duri Thom.
 3. Il protocol da la radunanza generela dals 12 avrigl 2014 vain approvo unanimamaing.
 4. Annalea Stuppan prelegia sieu rapport presidiel e do ün sguard sülla lavur da la suprastanza. Quella ho organisö üna dieta d'orientaziun inua cha'ls differents dovairs e las incumbenzas sun gnidas scleridas. Ad es gneiu discus da la fatscha i'l internet, il contact e la preschentscha da l'UdG, ils sustegn e.o.p.
Ün desideri persunel da la presidenta es il contact e la collavuraziun stretta cullas personas i'l intschess da l'UdG, scu eir culla Lia Rumantscha ed otras uniuns e la politica. Tematicas chi occupan i'l prossem temp saron sgür la tematica da las seguondas linguas in scoula, il plan d'instrucziun 21, il futur dals gimnasis in colliaziun cul ram rumauntsch, però eir la piazza dal



rumauntsch illa vita d'iminchadi, i'ls cumüns, illa societad ed illa fuormaziun da la canorta fin a l'universited.

Aita Dermont-Stupan ho do ün sguard süllas ediziuns cumparidas l'an scuors. La Chasa Paterna "La serp cun la craista" dad Alfons Clalüna cun illustraziuns da Jürg Parli. Il Chalender Ladin culs redactuors Sidonia e Göri Klainguti. Il Dun da Nadel ch'id es gnieu concepieu per l'ultima vouta dad Anna Ratti. La restampa da las guidas da lingua putera da Philipp Walter per taliaun, tudasch e frances. "Ils simbols populers e lur misteri" vess bainbod da sortir da la stamparia. A la festa commemorativa per nossa futura importanta giunfra Franca Bernina von Guaita es gnida preschantada üna collecziun dasl comics da Baldi, Niccal e Jaquan, ils protagonistes dals comics rumauntschs. Güsta sortida da stampa es la pü nouva Chasa Paterna cun "Las minutellas da Bortelet" da Gion Tschärner ed illustraziuns da Jürg Parli.

5. Il collavuratur da la LR, Mario Pult, muossa vi sülla concorrenza per fabuluns e poetins Pledpierla. Que dess der üna collavuraziun cun RTR ed ev. culs Dis da Litteratura. L'acziun cul tacharöl "Nus discurren rumantsch" insembel culla GIURU des gnir intensivada l'an 2015/16. Quels chi discurren e douvran il rumauntsch dessan gnir ludos.

A do üna valisch viandanta cun prodots da la LR e da l'UdG per mussedras e magisters.

Il cuors da discussiun "Allegra – co vaja" ho gieu lö in favrer ed es previs per lügl ed avuost.

In ultim temp d'eira Mario Pult fatschendo cul omagi a Tista Murk. El ho eir manzuno ils multiplicatuors e'ls Cafès rumauntschs chi hauni success.

Flurina Plouda preschainta il proget "Rumauntsch pel minchadi", ün cuors sainza bgera grammatica ma taunt dapü conversaziun. Nouv do que la brochüra "Traritrara – bod sun e qua" per glied chi spetta ün iffaut ed il quadern "Plitsch platsch", vers e versins per pitschens, text da Ruth Plouda in tuot ils idioms e rumantsch grischun.

Flurina Plouda organisescha eir visitas il Center Ladin per scoulas.

A vain organiso ün iscunter per personas chi instruischan rumauntsch e ramasso materiel per canortas, gruppas da gö e scoulinas per l'instrucziun rumauntscha. Tuot quel materiel vain miss sülla pagina d'internet e po gnir chargio giò.

Maria Dosch dal Chesin Manella rapporta da las 10 occurenzas chi haun gieu lö l'an scuors. Ella d'eira preschainta a 6 marchos. Eir l'an chi vain sun previsas diversas occurenzas e visitas süls marchos.

Göri renda attent al probelm cha perdains adüna dapüs abunnents. Quels chi vaun da ches'in chesa sun dischilusunos e frustrats perche cha clappan vi e pü chavagnas. Ils redactuors sun grats per idejas cu cha's pudess render pü attractiv u oter il Chalender Ladin.



- 6.** La vendita da cudeschs es chaleda per ca. 9000 francs. Que sun entredgias importantas per cuvrir ils cuosts da gestiun dal Chesin Manella. La ediziuns Dun da Nadel e Chasa Paterna as finanzieschan s vess. Tal Chalender Ladin resulta üna perdita da 1500 francs. Tuot in tuot resulta üna perdita da 28'269.50 francs. Scha que vo uschè inavaunt nun ho l'UdG in ün pèr ans pü üngüns raps. Al prossem di da lavur stu la suprastanza as fatschender culla tematica cu cha's pudess generer dapüs raps per l'UdG. Ad es sgüra eir da ponderer scha's stu uzzer ils prossems ans la contribuziun pels cumüns. A vain fat la proposta da metter üna chascha per collecta tar las occurrenzas i'l Chesin Manella.

Que's pudess integrer contribuziuns d'iffaunts aint il Chalender Ladin(CL) alura il cumpran nona, genituors, mimas o tantas. Important saja da vender il CL eir in diversas butias scu'l Chalender Grischun. Il CL saja memma gross e nu giaja pü aint il ram. A füss da chatter adressas giò la Bassa. Quels pajessan sgür quels 20 francs pel CL chi riva culla posta.

Que dess sgüra fautuors rumauntschs chi füssan pronts da sponsurer grands imports per l'UdG.

Jann Ruinatscha ho prelet il rapport da la cumischiun sindicatoria inua cha vain eir rendieu attent sül nosch rendaquint cul grand s-chevd e cha la gestiun saja pericliteda.

Romedi Arquint es da l'avis cha que nu saja uschè mel pervi d'ün an nosch. L'UdG saja üna da las unicas uniuns chi hegia posses e legats. Ella es pür pericliteda a lungia vista scha nu's fo ünguotta cunter.

Il rendaquint e'l rapport da la cumischun sindicatoria vegnan approvos unanimamaing.
- 7.** Il program da lavur da l'UdG prevezza ediziuns, conjugaziuns da verbs, facebook, twitter, di da lavur, occurrenzas in EB, inscunter culs respunsabels dals cumüns e.o.p. Romedi Atrquint manchaunta activiteds d'integrasiun, l'integrasiun d'iffaunts e genituors portugais saja la lavur centrela da l'UdG. Que es impustüt il program da lavur dals collavuratuors da la LR. In Engiadin'Ota sun gnies spüerts cuors d'integrasiun ma que ho do memma poch as annunzchas. In tuot l'intschess ladin vegnan spüerts divers cuors d'integrasiun.
- 8.** La radunanza decida unanimamaing da lascher l'indemnisaziun a la suprastanza scu fin uossa.
- 9.** La contribuziun annuela per commembers singuls da 16 francs (predsch dal Chalender Ladin) e la contribuziun per cumüns da 1.50 francs vain confermeda da la radunanza.
- 10.** Il preventiv 2016 vain preschanto da la chaschiera. Eir quel prevezza ün deficit da 7800 francs. Il preventiv vain approvo unanimamaing.



- 11.** Tuot ils suprastants as mettan a disposiziun per ulteriurs duos ans. Els vegnan confermos cun applaus.
Pella suprastanza da la LR as metta a disposiziun auncha per ün an Maria Sedlacek. Eir ella vain eletta cun applaus.
Da la cumischiun sindicatoria nun es entreda üngüna demischiun. Ella vain confermeda unanimaing. Eir las delegedas e delegos e'ls suppleants per la LR vegnan confermos. Carola Bezzola voul glivrer ziev'ün an.
- 12.** Oskar Knapp ho discurreiu davart la votumaziun da la ledscha da contribuziuns per radio e televisiun. Fin uossa vaun 70% da las contribuziuns a la televisiun tudas-cha. Però be 45% restan lo. Il rest vo a las parts ladinias rumauntsch, frances e taliaun. Sainza quistas contribuziuns nu pudess RTR exister. Perque esa da dir schi per quista ledscha.
Urs Cadruvi porta il salüd da la LR. El do ün per infuormaziuns a regard l'iniziativa "be üna lingua estra". AD es da sperer cha la Regenza nun accepta quista iniziativa. Que vess consequenzas fatelas pellas scoulas rumauntschas. Genituors pudessan stüdger in che cumün cha vaun a ster e'ls cumüns rumauntschs vessan grands dischavantags. (Intaunt ho la Regenza decis da nun accepter l'iniziativa).
Silvana Derungs ho purto ils salüds da l'Uniun da litteratura rumauntscha. Ella intimescha da trametter las occurrenzas per cha quellias vegnan publishedas eir sül newsletter. Ella ho eir oriento davart progets ed occurrenzas.

In vista al program da l'omagi a Tista Murk chi cumainza a las 13.30 nun ho que do üngüna discussiun pü extaisa.

Pel protocol
L'actuara

Angela Jann